



REPUBLIKA E SHQIPËRISË

BASHKIA KORÇË



RELACION

PËR

“MIRATIMIN E PLANIT VENDOR TË VEPRIMIT PËR ENERJINË DHE KLIMËN 2023-2040”

Mbështetur në Ligjin nr. 139, datë 17.12.2015, “Për vetëqeverisjen vendore” i ndryshuar, neni 54, pika k; neni 9, i Ligjit nr. 124/2015 “Për eficiencën e energjisë” i ndryshuar, neni 29, pika 1, e ligjit nr. 155/2020 “Për ndryshimet klimatike”, VKM nr. 872, dt. 29.12.2021 “Për miratimin e planit kombëtar për energjinë dhe klimën 2020-2023”, kërkojmë : “Miratimin e Planit Vendor të Veprimit për Energjinë dhe Klimën të Bashkisë Korçë 2023-2040”, sipas materialit bashkëlidhur.

Plani Vendor i Veprimit për Energjinë dhe Klimën (MECAP) është një strategji gjithëpërfshirëse, e zhvilluar nga administrata e bashkisë, për të përmirësuar menaxhimin e energjisë në mënyrë të qëndrueshme dhe për të ndihmuar në zbutjen e ndikimeve të ndryshimeve klimatike në juridiksionin e saj.

Është një risi që Bashkia Korçë është një ndër bashkitë e para në nivel kombëtar që realizon një Plan Veprimi jo vetëm për energjinë por edhe për klimën, pra pa e ndarë nga klima dhe ndryshimet klimatike, si një sfidë një globale.

MECAP përfshin kornizën kohore nga 2023 deri në 2040 dhe do të rishikohet çdo 5 vjet. Ai tregon kontributin e bashkisë në objektivat kombëtare për kursimin e energjisë, zgjerimin e energjisë së rinovueshme të pastër dhe reduktimin e emetimeve të gazeve serrë.

Në përputhje me Ligjin për Eficiencën e Energjisë nr 124/2015 i ndryshuar VKM nr. 872 dt. 29.12.2021 “Për miratimin e planit kombëtar për energjinë dhe klimën 2020-2023” është hartuar ky MECAP i cili përmban politika dhe masa për të arritur objektivat kombëtare në të gjithë sektorët në nivel bashkiak:

I) Sektorët e drejtpërdrejtë:

- 1) objektet publike bashkiake;
- 2) ndriçimi publik rrugor;
- 3) furnizimi me ujë dhe trajtimi i ujërave të zeza;
- 4) flota bashkiake & transporti publik;
- 5) menaxhimi i mbeturinave; dhe
- 6) të gjitha shërbimet tjera komunale.

II) Sektorët indirekt:

- 1) sektori rezidencial;
- 2) industria; shërbim privat/komercial;
- 3) industria;
- 4) makinat private & transport mallrash;
- 5) bujqësia dhe
- 6) sektorë të tjerë brenda kufijve të bashkisë.

Deri në vitin 2030, Korça parashikon të bëjë përparim thelbësor drejt një menaxhimi më të qëndrueshëm të energjisë, një gjurmë të reduktuar të karbonit dhe rritje të elasticitetit të klimës. Bashkia është e përkushtuar të ndër marrë hapa që integrojnë veprime të ndryshme që synojnë arritjen e

një tranzicioni të gjelbër mesatarisht të drejtë dhe gjithëpërfshirës në shërbimet e saj publike. Ky tranzicion do të rezultojë në investime të gjelbra, mundësi të reja punësimi, rritje dhe përmirësime në shëndetësi dhe arsim, dhe përmirësim të mirëqenies së përgjithshme, duke kontribuar në një mjedis më të shëndetshëm për popullatën.

Objektivat e Planit Kombëtar të Energjisë dhe Klimës (NECP) të Shqipërisë për periudhën deri në vitin 2030 përfshijnë një ulje prej 18.7% të emetimeve të gazeve serrë, një ulje prej 8.4% në konsumin final të energjisë dhe një rritje prej 54.4% të energjisë së rinovueshme në përzierjen e energjisë, e cila është në përputhje me objektivat e anëtarësimit në BE.

Edhe pse popullsia e bashkisë së Korçës përfaqëson vetëm 4.6 % të popullsisë shqiptare, kontributi i saj në objektivat kombëtare të reduktimit 2030 do të jetë rreth 2.44 %.

Ndarja sektoriale e konsumit final të energjisë tregon se sektorët bashkiakë përbëjnë vetëm 4 % të konsumit total, ku ndërtesat Publike zënë peshën më të madhe. Kështu, Bashkia mund të ndikojë drejtpërdrejt vetëm në një pjesë të vogël të konsumit total të energjisë finale. Sektorët e tjerë mund të ndikohen vetëm në mënyrë indirekte nga rregulloret dhe programet kombëtare dhe bashkiake që ofrojnë stimuj për investime ose ndryshim të sjelljes.

Prandaj, sektorët bashkiakë quhen “sektorë të drejtpërdrejtë” në këtë Plan Vendor dhe të gjithë sektorët e tjerë “sektorë indirekt”.

Bilanci total i emetimeve të gazeve serrë (GHG) arrin në rreth 231 ktCO₂eq në vitin 2021 për të gjithë sektorët direkt dhe indirekt në bashkinë Korçë.

Kjo do të thotë se Korça emeton 1.8 ton ekuivalent CO₂ për banor në vit. Pa asnjë masë shtesë, konsumi i energjisë dhe emimet e GS-ve parashikohen të rriten ndjeshëm në vitet në vijim:

- 6 % rritje në konsumin e energjisë deri në vitin 2030 dhe një rritje 29 % deri në vitin 2040 (ekuivalente me 238 Gwh), krahasuar me vitin bazë 2021.
- Rritje 10 % në emimet e CO₂ deri në vitin 2030 dhe një rritje 24 % deri në vitin 2040 (ekuivalente me 74 kt CO₂eq), krahasuar me vitin bazë 2021.

Masat e specifikuar në këtë MECAP synojnë të kundërshtojnë këto përshkallëzime dhe të zbusin ndikimin e tyre negativ.

Megjithëse konsumi i energjisë në sektorin bashkiak përbën vetëm 4 % të konsumit total të energjisë bashkiake, është e rëndësishme të theksohen masat efektive në këta sektorë, si përdorimi i ndriçimit smart/ led etj.

Përpjekje të tilla shërbejnë për të rritur ndërgjegjësimin e qytetarëve për mundësitë e mundshme dhe për të promovuar përfitimet që rezultojnë nga ky proces. Përveç kësaj, kursimet e energjisë në këta sektorë kontribuojnë drejtpërdrejt në uljen e kostove të energjisë, duke lehtësuar kështu barrën mbi buxhetin bashkiak dhe duke reduktuar nevojën për subvencione qeveritare.

Bazuar në analizat dhe prioritizimet gjithëpërfshirëse, janë identifikuar gjithsej 87 masa për t'u zbatuar në Bashkinë Korçë gjatë periudhës 2023-2040. Lista përfshin masat që janë tashmë në progres ose të planifikuara, dhe masa shtesë që duhet të ndërmerren (Skenari aktiv). Në listë përfshihen edhe masat për të cilat Bashkia e Korçës nuk është drejtpërdrejt përgjegjëse, por që lidhen me programet kombëtare ekzistuese apo masat e organizatave të tjera.

Nëse do të zbatoheshin të 87 masat, kursimet e energjisë plus energjia e rinovueshme e gjeneruar shtesë do të arrinin në 133 GWh në vit. Për këtë kërkohen investime rreth 174 milionë euro, apo 11 milionë euro në vit. Investimet çojnë në kursime të energjisë prej 18.8 milionë euro në vit për të gjithë sektorët.

Masat e propozuar siç edhe u shprehëm janë 87 dhe përfshijnë kryesisht dhe jo vetëm:

- Rinovimi energjetik i ndërtesave Publike
- Rinovimi i ndriçimit publik.

- Sektori rezidencial
- Industria e shërbimeve dhe sektorët e bujqësisë
- Ndërtesa të tjera Publike qendrore
- Furnizimi me energji
- Furnizimi me ujë dhe ujrata e përdorura
- Menaxhimi i mbetjeve
- Transporti publik
- Transporti privat
- Transporti i pa motorizuar
- Komunikimi/ndërgjegjësimi.

Bashkia Korçë është përgjegjëse direkt për ndërtesat publike bashkiake, ndriçimin rrugor, transportin publik, menaxhimin e mbetjeve, furnizimin me ujë të pijshëm dhe të ndotur, dhe indirekt për banesat, shërbimet, industrinë, bujqësinë, transportin privat dhe sektorë të tjerë.

Buxheti i planifikuar për masat e propozuara është në vlerën prej 173.7 milionë euro (20.1 miliardë lekë), dhe vetëm 7 % do të mbulohet nga bashkia për shërbimet bashkiake, të tjerat do të mbulohen nga subjektet private. Këto investime që do të realizohen nga bashkia, kanë një periudhë vetëshlyerje investimesh (siç tregohet në plan), nga 2 - 7 vjet, me leverdi financiare për bashkinë, gjithashtu duke sjellë një rritje të ndjeshme të cilësisë së shërbimeve dhe komoditetit në çerdhe, kopshte, shkolla, transport, etj.

Kjo është një përmbledhje e shkurtër e asaj çfarë përfaqëson ky plan.

**Drejtor i Dr. së Përgjithshme të
Planifikimit të Territorit dhe
Menaxhimit të Kontratave të
Infrastrukturës**

Ndriçim HOXHA

**Drejtoresha e Dr. së Përgjithshme
Juridike dhe e Menaxhimit të
Burimeve Njerëzore**

Anxhela (DISHNICA) QERAMIXHI

**Drejtoresha e Dr. së Përgjithshme të
Financës, Buxhetit dhe MFK**

Valbona ZIKO

SOTIRAQ FILO

KRYETAR I BASHKISË



REPUBLIKA E SHQIPËRISË

BASHKIA KORÇË
KËSHILLI I BASHKISË KORÇË

P/VENDIM

Nr. _____, datë _____.06.2024

PËR

**“MIRATIMIN E PLANIT VENDOR TË VEPRIMIT PËR ENERGJINË DHE KLIMËN
2023-2040”**

Këshilli i Bashkisë Korçë, pasi mori në shqyrtim relacionin e paraqitur nga Drejtoria e Përgjithshme e Planifikimit të Territorit dhe Menaxhimit të Kontratave të Infrastrukturës, Ligjin nr. 139, datë 17.12.2015, “Për vetëqeverisjen vendore” i ndryshuar, neni 54, pika k; neni 9, i Ligjit nr. 124/2015 “Për eficiencën e energjisë” i ndryshuar, neni 29, pika 1, e ligjit nr. 155/2020 “Për ndryshimet klimatike”, VKM nr. 872, dt. 29.12.2021 “Për miratimin e planit kombëtar për energjinë dhe klimën 2020-2023”, dhe pas diskutimeve të këshilltarëve:

VENDOSI:

- I. Të miratojë (të mos miratojë) Planin Vendor të Veprimit për Energjinë dhe Klimën 2023-2040.
- II. Për zbatimin e këtij vendimi ngarkohet Drejtoria e Përgjithshme e Planifikimit të Territorit dhe Menaxhimit të Kontratave të Infrastrukturës, Drejtoria e pyjeve dhe kullotave, Sektori i Bujqësisë, Drejtoria e Kontrollit të Territorit - Transporti publik, Njësitë administrative, Ndërmarrja e Shërbimeve Publike, Drejtoria e Informacionit, Ndërmarrja e Shërbimeve Mbështetëse të Arsimit dhe Çerdheve.
- III. Ky vendim hyn në fuqi menjëherë.

Sekretari i Këshillit Bashkiak
Eva NAÇI

KRYETARE E KËSHILLIT BASHKIAK

ANA VERUSHI

Miratuar me _____vota
Vota Pro _____
Vota Kundër _____
Vota Abstenim _____
Zbardhur më datë _____